

РЕДАКЦИА

Халхын
Бичигчүүдэс

Төрсөн хальмг барт байрлав

Хальмгин күүч-көлсчирин дунд «Хальмг үнн» газет өдр ирвэс олон дурлдж умшдг, олон газет болад йовна. Эн газет ахр цагин эргцд, урднь гарч йовсн «Таньгьчин заньг» газет мет, хальмг таньгьчин күүч-көлсчирт дурлдж умшгддг, өөдөн нертэ газетэн медүлджанэ.

Урднь таньгьчин болн республиканск газетсин ода бас таньгьчин газетсин корреспондент—би таньгьчин газетсин көдлэчирлэ болн хальмгин күүч-көлсчирлэ хамдан эврэннь төрсөн хальмг барт ик өргмджтэгьбар байрлджанав.

Газет — коллективн пропагандист болн коллективн агитатор болсн дээрэн, тер мет коллективн бүрдэгьач—гидж В. И. Ленинэ келсиг күүцэхэр эврэннь көдлмшиннь цутхлнэгд тэвдг, мана газетс көдлджанэ. Энүгэн дахлдулад олон күүч-көлсчирлэ залгьлдугьан батлдж көдлнэ.

Энүг дахлдули би эврэннь седвэрэн, сана-седклэн келх санатав. Күүч-көлсчирт коммунистическ сургьмджан өглгьнэ тускар, коммунистическ тосхлтд орлцдж, партин болн правительствин шиидврмүд күүцэхд газетин чинр икнь лавта медгднэ. Берк кергтэ төрмүдиг заадж бичэд,

ик төрө көдлмш газет заана, болв эн заадж бичсн тоотан арднь ордж шунмгьагьбар күүцэлгьнь татухн.

Үлгүрнь, таньгьчин хотл балгьсн—Элстин олон-амтсиг темсэр, үсн-тосар теткх төр болн амтн бээх гермүд, культурн-бытовой тосхлт делгрүүлх төрмүд цаглань көндэдж бичлэ, болв эн төрмүдиг улм цааранднь батлдж сергэджэхш. Колхозмуд болн совхозмуд эн төриг ягьдж күүцэджэхиг газет олон-амтнд багьбар күүргдж медүлнэ.

Колхозн тосхлтин цаарандк делгрлтин болн машинн-тракторн станцсин бүрдэмджиг оньгдаруллгьна туск партин болн правительствин шиидвриг күүцэлгьнэ тускар, колхозмудт МТС-н техник хулдлгьна тускар, шин бээдлин цагт колхозмуд көдлмшэн ягьдж кеджэхиг тасрхан угагьбар газет бичджэх зөвтэ.

«Хальмг үнн» газетин коллектив улм цаарандан көдлмшэн ясрулад, өмнөн бээх ик чинртэ төрмүдиг туурмджтагьбар күүцэхиг иткджанэвдн.

И. МАСЛОВ,

КПСС-н Элст балгьсна комитетин инструктор, 1925 джилэс нааран Хальмг таньгьчин барин көдлмшт орлцач.